



UNIVERSITÄTS-
BIBLIOTHEK
PADERBORN

**Antonii Milliei, Lvgdvnensis, E Societate Iesv, Moyses
Viator**

Millieu, Antoine

Lugduni, 1636

Libri Qvarti Argumentum, & Synopsis.

[urn:nbn:de:hbz:466:1-69066](https://nbn-resolving.org/urn:nbn:de:hbz:466:1-69066)



LIBRI QVARTI

Argumentum, & Synopsis.

ARGVMENTVM huic libro caput Exodi 12. & pars 13. ritus, scilicet, ac sacræ cæremoniæ Paschalis Agni: spoliata Ægyptus mutuatione liberalissima: effossa Iosephi ossa, vt asportentur, vti ipse fratribus mandarât, vaticinatus eorum profectiorem, Genes. 50. 24. aliorum enim Patriarcharum probabile est, filios ac nepotes, simul atque morerentur, extulisse in auita sepulcra Chananitidos. Sua ossa voluit Iosephus moriens in Ægypto condi, vt pignus speratæ liberationis. Inde apparatus sacri; & solenni ritu, quem tradiderat Mosi Deus, immolatio luna mensis decimaquarta ad vesperam. In quo typo elucet sacrificium vtrunque Agni immaculati Christi IESV; cruentum, & incruentum eucharisticum, & sanguinis liberatoris pretium. Succedit statim primogenitorum Ægypti memoranda cædes ex adiunctis Sap. 18. *Cum medium silentium tenerent omnia.* patrata per Angelos horrendis somniorum spectris, & prodigia in diis Ægyptiis disturbandis. Victus tandem Pharaos, & mortis, & seditionis popularis metu Oratores ad Moysen mittit, qui statim exire compellant Hebræos paratos omnes ad exitum in Ramesse, quæ prima exeunti populo mansio. Aperto vallo, signo dato, populus emittitur in viam, quam exorta statim nubes, & columna ignea ductu suo designant. Causæ & natura Meteoris tam mirabilis explicantur ab Vranie Musa. Denique, fidei Christianæ, Catholicæ, Apostolicæ, Romanæ typum facit colūna, & nubes. Ita tenditur via in Sohot.

1. Israëlita post Ægyptias tenebras paulatim omnes conueniunt vndique in Gessen, ad Ramessem, & conuasant iam non inuitis Ægyptiis, initio veris.

2. Concione

Libri IV. Argumentum. III

2 Concione frequenti docet Moyſes populum, quid fieri oporteat, ſpémque liberationis ostendit in proximo. Tradit cæremonias paſchalis viſtimæ.

3 Dies notatur, decimaquarta luna menſis Niſan, qui annum ſacrum Hebræis deinceps aperit. Efficacitas ſanguinis auerrunci aſperſi poſtibus portarum, &c.

4 Modus coquendæ hoſtiæ, & epuli ritus.

5 Azymorum panum ritus & condimentum ex herbis acribus.

6 Commendatur ſpoliatio Ægyptiorum, petitis mutuo ad ſacri pompam vaſis ac veſtibus, variâque ſupellectili.

7 Populus pronus in terram gratias agit. Moyſes iubet effodi Iosephi oſſa, vt aſportentur, ſintque parata ad exitum. Fingitur, quod probabile, datum negotium Elyſamæ Principi Tribus Ephraim, & Iosua.

8 Mutuatio vaſorum, & variâ ſupellectilis, cuius per ſpeciem ſpoliati Ægyptij, & ſoluta aliqua ex parte Iſraëlitis tot annorum merces, & nonnulla facta compenſatio.

9 Viri etiam arma commodata acceperunt, ad pompam ſacrorum, ſi neceſſe foret: inclinat Deus ad beneficentiam Ægyptiorum animos, vt vel ſic placabilem ipſum habeant.

10 Iosephi Patriarchæ oſſa honorificè olim condita ſepulcro nobiliſſimo; quanuis obſito poſteâ ſentibus. Exploditur Rabbinica fabula de ouicula, effuſo Nilo innatante, & loquente voce humana, quæ ſepulcrum Iosephi indicarit quærentibus. Hæc illi pecori ouis Ioseph, Pſalm. 74. 2. In ſacra Hiſtoria pauca admodum ſano Poëtæ licent; ac tantum valdè probabilia, & quæ facili intellectu cum Hiſtoria congruant.

11 Acta illuſtria & virtutes eximias Iosephi in ſepulcri marmoribus inſculptas cognoscit Elyſamas, & alij ingreſſi monumentum.

12 Reliquias venerantur, & condita ipſa caſtimonia, & virtutum vnguentis oſſa; orântque, vt viæ comites eſſe

112 *Libri IV. Argumentum,*

esse velint, & in auita sepulcra, in Chananeidem redire.
Eripitur Palladium Ægypto.

13 Luna decimaquarta ad vesperam paschalis agni
immolatio, ritusque omnis, & pompa celebratur.

14 Sacrae coenae initium, finita coena communi, &
post eliminatas reliquias omnes fermentati panis, azyma
cum agno inferuntur procinctis omnibus.

15 Ritus solennes epuli, & mirabilis efficacitas via-
ticæ illius dapis, quos det animis sensus, & alacritatem ad
viam paratis.

16 Castigata torpens, & languida Christianorum fides
vescentium verissimo Agno Christo in eucharistico epu-
lo, quem illi tantum in typo edebant Synagogæ epulo-
nes. In Eucharistia reipsa impletur prophetia, & manda-
tum de toto edendo, vorato capite, & pedibus, cum in-
testinis; & tamen non comminuto villo ex ossibus. Diui-
nitas hic tota cum humanitate, id est, caput, pedesque
Agni Christi cum intestinis edulis manditur sine fractio-
ne vlla; quod Synagogæ nunquam in typo illo concessum.

17 Mirabiles Moysis inter cæteros pietatis sensus.
Conuiuis suis, & Principibus propheticè, animo exce-
dens, enucleat allegoriam de epulo Ecclesiæ eucharistico.

18 Nox interim fatalis Ægypto media, Sap. 18. & An-
gelus exterminator *non simulatum Dei imperium* cum sociis
portans in mediam exterminio deuotam terram: fortè
fuit ipse S. Michael.

19 Hora & signum cædis cum horrore somniorum
per omnes domos, & vocibus terrificis, vt scirent omnes
causam stragis.

20 Euigilantes vident veras suorum mortes obiectas
in somnis: diri questus in Regem morientium vbique.

21 Moriuntur indignantes violenta morte eodem
tempore omnes. Quid hic faciant Horoscopi, & vanitas
nugantium tam ineptè circa natales horas?

22 Strages pecoris.

23 Ægyptia superstitio, & stupor; imò & malorum
Dæmonum superbia coercita cæsis Deum monstris,
disiectis

disiectis simulacris, comminutisque. Quò se vertant Ægyptij? Ne ad Deos quidem.

24 Cædes primogeniti Pharaonis. Fingitur Achoris, regni spes, in thalamo Reginae, ante oculos, interque manus parentis vtriusque percussus, dicta ab Angelo causa.

25 Planctus omnium ubique, & seditio populi; nisi statim dimittantur Hebræi. Fractus Pharaonis centum statim Satrapas, quorum Princeps Mamyas, ad Moysen legat, qui orent, & cogant exire eadem hora.

26 Moyses interim suos ad exitum intentos disponebat ordinibus, & sub signa cogebat.

27 Accipit Legatos regios, & abeundi veniam sine conditione vlla, cum omnibus.

28 Monet Ægyptios suas sibi illos accersisse clades. Caueat maximè Pharaonis, ne poeniteat dati Israëlitis com-
meatus.

29 Crebrescente magis planctu vrgetur ad exitum.

30 Exitus, & ordo agminis per quinos ordines. Populi numerus & propagatio tam breui tempore, prope incredibilis. Quæ sic aluearia sobolescant? Prima mansio in Ramesse, vnde exeunt.

31 Nubis & columnæ ortus statim in exitu è Ramesse.

32 Quale illud fuerit Meteorum quadraginta annis, Vranie Musa explicat, indicatis causis. Nubes, & columna, Fidei typus præferentis Ecclesiæ facem: haud extinguibilem vlla vi ventorum: officia illius columnæ varia.

33 Angelus personam Dei, noménque gerens in columna habet sedem, eam mouet. Fidei qui ductus, quod robur?

34 Fidei sedes, quæ firmamentum, columnaque veritatis, fixa in S. Petri Apostolica petra. Desinet tantùm confecta via, aperto coelo, introeuntibus in viuientium terram Sanctis.